



XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Secretaría Xeral Técnica

galicia

REXISTRO XERAL DA XUNTA DE GALICIA

REXISTRO XERAL
SANTIAGO DE COMPOSTELA

Data 16/12/2014 12:57:16

SAÍDA 118403 / RX 1222584



ASOCIACIÓN SOCIEDADE CULTURAL E DEPORTIVA PALAESTRA

ERNESTO PÉREZ RAMIL

R/ FE, NÚM. 2, 1ºD
15007 A CORUÑA

Asunto: Resolución de inscripción da adaptación dos estatutos á LO 1/2002 e cambio de ámbito da **ASOCIACIÓN SOCIEDADE CULTURAL E DEPORTIVA PALAESTRA.**

Examinado o expediente de solicitude de inscripción neste Rexistro Central da Comunidade Autónoma de Galicia, da adaptación dos estatutos da **ASOCIACIÓN SOCIEDADE CULTURAL E DEPORTIVA PALAESTRA**, con domicilio en R/ FE, NÚM. 2, 1ºD, C.P. 15007 A CORUÑA, resultan os seguintes:

FEITOS

Primeiro. A Asociación foi inicialmente inscrita na sección 1ª do rexistro provincial de A Coruña co número 2236 en data 18/05/1989, e en asemblea extraordinaria de 31/10/2014, acordou a modificación dos seus estatutos para adaptalos á LO 1/2002, de 22 de marzo, reguladora do dereito de asociación. Esta modificación inclúe un cambio no seu ámbito territorial que pasa a ser autonómico.

Segundo. Nos estatutos figuran como fins da asociación, entre outros: Fomento da cultura e o deporte.

CONSIDERACIÓNS LEGAIS

Primeiro. Resultan de aplicación a Constitución Española que recoñece no artigo 22 o dereito de asociación; a Lei Orgánica 1/2002, de 22 de marzo reguladora do dereito de asociación, Decreto 1497/2003, de 28 de novembro, polo que se aproba o regulamento do Rexistro Nacional de asociacións e as súas relacións con outros Rexistros, e Lei 30/1992 do 26 de novembro de Réxime Xurídico das Administracións Públicas e Procedemento Administrativo Común.

Segundo. Esta Secretaría Xeral Técnica é competente para resolver a inscripción solicitada, en virtude do previsto no Decreto 336/1996, do 13 de setembro sobre asunción de funcións e servizos, pola Comunidade Autónoma de Galicia, en materia de asociacións, Decreto 276/1997, do 25 de setembro, polo que se crea o Rexistro central de Asociacións e se regula a organización e funcionamento dos rexistros de asociacións da Comunidade Autónoma de Galicia, e Decreto 72/2013, de 25 de abril, polo que se establece a estrutura orgánica da Vicepresidencia e da Consellería de Presidencia, Administracións Públicas e Xustiza.

Terceiro. Analizada a documentación que consta no expediente, non se aprecia que concorran supostos de ilegalidade previstos no art. 22 da Constitución, e considérase que cumpre os requisitos establecidos na normativa para a súa inscripción no Rexistro de asociacións desta Comunidade Autónoma,

Vistos os preceptos legais citados e demais normas de xeral aplicación, **PROPOÑO:**

Visar os estatutos modificados para adaptalos á L.O. 1/2002, do 22 de marzo, reguladora do dereito de asociación, e ordenar a súa inscripción no Rexistro de Asociacións, para os efectos de publicidade previstos no artigo 22 da Constitución, correspondéndolle o **núm. 2014/018949 Sección 1 neste Rexistro Central de Asociacións.**

Esta inscripción provisional converterase en definitiva se no prazo de 3 meses a contar dende a recepción desta resolución non se lle notificase ao interesado a súa incompatibilidade por existir inscrita outra coa mesma denominación no Rexistro Nacional de Asociacións.

Contra a presente resolución, que non esgota a vía administrativa, poderá interpoñer recurso de alzada ante o vicepresidente e conselleiro de Presidencia, Administracións Públicas e Xustiza, no prazo de un mes, de acordo co disposto na Lei 30/1992, do 26 de novembro de Réxime Xurídico das Administracións Públicas e Procedemento Administrativo Común.

A xefa do Servizo de Entidades Xurídicas e Corporativas

Vº e prace
O subd. xeral de Réxime Xurídico, Administrativo e
de Recursos Humanos

Mª Amadora Rodríguez Carreira

José Ramón Pardo Cabarcos

RESOLVO: de conformidade coa proposta que antecede.

Santiago de Compostela, 09 de decembro de 2014

A secretaria xeral técnica



Beatriz Cuiña Barja



REGISTRO CENTRAL DE ASOCIACIONES
ESTATUTOS VISADOS

Apartado de Correos 763
15080 A Coruña

www.palaestra.net
asociación@palaestra.net

PALAESTRA

PREÁMBULO:

A **SOCIEDADE CULTURAL E DEPORTIVA PALAESTRA** foi fundada no mes de febreiro de 1989 e tivo actividade constante dende entón, facéndose necesario neste XXV Aniversario a reformulación dos seus Estatutos para adaptalos á vixente Lei e ás propias necesidades operativas da entidade.

Por todo o cal a Asemblea Xeral do 31 de outubro de 2014 aprobou por unanimidade esta reforma estatutaria.

ESTATUTOS DA SOCIEDADE CULTURAL E DEPORTIVA PALAESTRA

CAPÍTULO I DA ASOCIACIÓN EN XERAL

Artigo 1º

1.1. Procédese a adaptar os estatutos da asociación denominada **SOCIEDADE CULTURAL E DEPORTIVA PALAESTRA** fundada e inscrita en 1989, con CIF G-15217896 e con número de inscrición 1989-2236-1.

1.2. A asociación rexerase polos presentes estatutos, pola Lei orgánica 1/2002, do 22 de marzo, reguladora do dereito de asociación e pola demais lexislación existente en materia de asociacións que lle sexa aplicable.

Artigo 2º

O domicilio principal e permanente da **SOCIEDADE CULTURAL E DEPORTIVA PALAESTRA** radicarán na localidade da Coruña:

SOCIEDADE CULTURAL E DEPORTIVA PALAESTRA
Rúa Fe, 2 – 1º D
15007 A Coruña

SOCIEDADE CULTURAL E DEPORTIVA
PALAESTRA
AD DISCENDUM NOS DELECTAMUS

Daniel Codesido Sánchez
VOGAL

Luis Rodriguez Díaz
TESOUREIRO

Diego Medin Babio
SECRETARIO

José Alberto Ortega Correas
VICEPRESIDENTE

Ernesto Pérez Ramil
PRESIDENTE



PALAESTRA

Daniel Codesido Sánchez
VOGAL

Luis Rodríguez Díaz
TESOUREIRO

Diego Meán Babio
SECRETARIO

José Alberto Ortega Correas
VICEPRESIDENTE

Ernesto Pérez Ramil
PRESIDENTE

Artigo 3º

A **SOCIEDADE CULTURAL E DEPORTIVA PALAESTRA** en función dos seus fins e do emprazamento do seu domicilio social, exercerá, tal como quedou recollido nos primeiros estatutos, as súas actividades no ámbito territorial da comunidade de Galicia.

Artigo 4º

4.1. A **SOCIEDADE CULTURAL E DEPORTIVA PALAESTRA** quedou constituída por tempo indefinido e só se disolverá conforme o disposto nestes estatutos e pola vontade dos asociados, expresada en Asemblea Xeral Extraordinaria convocada ao efecto ou ben polas causas previstas na lexislación vixente.

4.2. A **SOCIEDADE CULTURAL E DEPORTIVA PALAESTRA** rexerase segundo os principios democráticos contidos no marco da Constitución e o resto do ordenamento xurídico.

Artigo 5º

5.1. A **SOCIEDADE CULTURAL E DEPORTIVA PALAESTRA** mantén os seus obxectivos fundacionais de fomento da cultura e o deporte e sinala como principais campos de actuación os seguintes:

5.1.1. Actividades culturais de todo tipo.

Cunha visión ampla do termo cultura, incidindo sobre todo nos seguintes aspectos que se promoverán:

- A defensa do patrimonio cultural.
- A defensa dos dereitos civís e a ética na vida social.
- A cooperación internacional, aproveitando as novas tecnoloxías e as redes sociais fomentadas polas mesmas.
- O fomento das novas tecnoloxías comunicacionais.
- A defensa do patrimonio e natural e a biodiversidade coa promoción do Urbanismo Sustentable, co obxectivo de que non se atente contra o medio ambiente.
- O asociacionismo e a colaboración entre asociacións.
- O voluntariado social.

5.1.2. Actividades deportivas diversas.

Que se desenvolverán á través da sección deportiva da Sociedade.

5.1.3. Actividades xuvenís.

Accións culturais, deportivas e lúdicas para os máis novos a través da sección xuvenil, mantendo o carácter de entidade de servizos á xuventude.

Todo elo dentro dun espírito anovador que ha de ser a guía da Sociedade.

5.2. Para cumprir o seus obxectivos a **SOCIEDADE CULTURAL E DEPORTIVA PALAESTRA** levará a termo todas as actividades que se consideren oportuno, tanto culturais (conferencias, cursos, xornadas, certames, viaxes, publicacións, páxinas web, etc.) como deportivas.

SOCIEDADE CULTURAL E DEPORTIVA

PALAESTRA

AD DISCENDUM NOS DELECTAMUS

Daniel Codesido Sánchez
VOGAL

Luis Rodríguez Díaz
TESOUREIRO

Diego Medín Babío
SECRETARIO

José Alberto Ortega Correas
VICEPRESIDENTE

Ernesto Pérez Ramil
PRESIDENTE

5.3. Os ingresos que se poidan obter por calquera concepto destinaranse exclusivamente ao cumprimento destes fins, sen que se poidan repartir entre os asociados nin outras persoas físicas ou xurídicas con interese lucrativo.

CAPÍTULO II DOS ASOCIADOS

Artigo 6º

6.1. Poderán ser integrantes da **SOCIEDADE CULTURAL E DEPORTIVA PALAESTRA** todas aquelas persoas físicas, con plena capacidade de obrar e as persoas xurídicas tralo acordo do seu órgano competente, que non teñan débedas pendentes coa asociación e que reciban a aprobación dos órganos de goberno de **SOCIEDADE CULTURAL E DEPORTIVA PALAESTRA** do xeito determinado nestes estatutos.

6.2. Poderán ser integrantes da asociación calquera persoa maior de idade e mesmo na súa sección xuvenil tamén os menores de idade. Os menores non emancipados de máis de 14 anos deberán contar co consentimento, documentalmente acreditado, das persoas que deban suplir a súa capacidade.

6.3. Os acordos de admisión de novos membros tomaraos o órgano correspondente segundo queda determinado nestes estatutos.

Artigo 7º

Dentro da asociación poderán existir as seguintes clases de asociados:

Fundador; aquelas persoas que subscribiron a acta fundacional e participaron na redacción e aprobación dos presentes Estatutos.

De Número; aquelas persoas que ingresaron con posterioridade á subscripción da acta fundacional e a aprobación dos presentes estatutos. Deberán ser admitidos pola Asemblea Xeral a proposta da Xunta Directiva.

Colaborador; aquelas persoas que ingresaron con posterioridade á subscripción da acta fundacional e non reúnan as condicións dos socios de número. As persoas xurídicas quedarán obrigatoriamente incluídas neste apartado.

De Sección; aquelas persoas que participen exclusivamente nas actividades dunha soa das seccións da Sociedade.

De Honra; aquelas persoas que, a xuízo da Asemblea Xeral, e a proposta do Presidente, tiveran axudado de xeito notable ao desenvolvemento dos fins da asociación.



Daniel Codesido Sánchez
VOGAL



Luis Rodríguez Díaz
TESOUREIRO



Diego Medin Babío
SECRETARIO



José Alberto Ortega Correas
VICEPRESIDENTE



Ernesto Pérez Ramil
PRESIDENTE

Xuvenil; aquelas persoas entre 14 e 30 anos que participen na asociación e que estarán integradas na sección xuvenil, sen prexuízo da súa pertenza a algunhas das categorías anteriores.

Artigo 8º

8.1. A condición de asociado pérdese:

- a) Por vontade propia.
- b) Por falta de pago das cotas sociais establecidas.
- c) Por incumprimento das súas obrigas ou a realización de accións que prexudiquen gravemente aos intereses de **SOCIEDADE CULTURAL E DEPORTIVA PALAESTRA**, previo expediente disciplinario, con audiencia do interesado.
- d) Por falecemento da persoa física ou extinción da persoa xurídica.
- e) No caso de socios de honra, polo acordo da Asemblea Xeral, que non poderá ser recorrido.

8.2. A expulsión de membros nos supostos do apartado b) e c) do parágrafo anterior, será acordada pola Xunta Directiva, logo da audiencia do interesado. O acordo de expulsión deberá ser ratificado pola Asemblea Xeral Extraordinaria e contra a súa resolución poderase recorrer ante a xurisdicción ordinaria.

Artigo 9º

9.1. Os membros da **SOCIEDADE CULTURAL E DEPORTIVA PALAESTRA** teñen os seguintes dereitos:

- 1. Participar nas actividades da asociación e nos órganos de goberno e representación, exercer o dereito de voto, así como asistir á Asemblea Xeral, dacordo cos estatutos.
- 2. Ser informado da composición dos órganos de goberno e representación da asociación, do seu estado de contas e do desenvolvemento da súa actividade.
- 3. Ser oído con carácter previo á adopción de medidas disciplinarias contra el e ser informado dos feitos que dean lugar ás ditas medidas, debendo motivarse o acordo que, no seu caso, impoña a sanción.
- 4. Impugnar os acordos dos órganos da asociación que estime contrarios á lei ou aos estatutos.

9.2. Os asociados e asociadas colaboradores, de honra, de sección e menores de idade non intervirán na dirección da asociación nin nos órganos de representación dela. Estarán todos eles facultados para asistir ás asembleas xerais con voz, pero sen voto. Os socios xuvenís e os de sección poderán ter voto nas xuntas de sección se así o acorda o regulamento interno das seccións acordado pola Asemblea.





Daniel Codesido Sánchez
VOGAL


Luis Rodríguez Díaz
TESOUREIRO


Diego Medin Babio
SECRETARIO


José Alberto Ortega Correas
VICEPRESIDENTE


Ernesto Pérez Ramil
PRESIDENTE

Artigo 10º

Son obrigas dos membros da **SOCIEDADE CULTURAL E DEPORTIVA PALAESTRA:**

1. Compartir as finalidades da asociación e colaborar para a súa consecución.
2. Pagar as cotas que se establezan, salvo no caso dos socios de honra que estarán exentos.
3. Desempeñar os cargos para os que foron elixidos.
4. Acatar e cumprir os acordos validamente adoptados polos órganos de goberno e representación da asociación.
5. Acatar o contido dos estatutos.
6. Ter unha boa conducta individual e cívica.

**CAPÍTULO III
DOS ÓRGANOS DE GOBERNO DA
ASOCIACIÓN**

Artigo 11º

A dirección e administración da asociación serán exercidas polo Presidente, a Xunta Directiva e a Asemblea Xeral.

Artigo 12º

12.1. O presidente da asociación será designado pola Asemblea Xeral entre os seus membros e o seu mandato durará 4 anos. Será asistido nas súas funcións por un vicepresidente, que o substituirá nos casos de vacante, ausencia ou enfermidade.

12.2. O presidente terá as seguintes atribucións:

- a) Representar á asociación diante de calquera organismo público ou privado.
- b) Convocar e presidir as sesións que celebre a Xunta Directiva e a Asemblea Xeral; dirixir as deliberacións dunha e outra. O seu voto será o de calidade, en caso de empate, rompendo o mesmo.
- c) Executar os acordos adoptados pola Xunta Directiva e a Asemblea Xeral.
- d) Ordenar os pagamentos acordados validamente.
- e) Asinar as actas, certificados, pagos e outros documentos da asociación xunto co secretario ou membro da Xunta Directiva a quen lle corresponda a elaboración do documento de que se trate.

Artigo 13º

13.1. A Xunta Directiva estará formada polo presidente da asociación, un vicepresidente, un secretario, un tesoureiro e os vogais que o presidente considere oportuno.

SOCIEDADE CULTURAL E DEPORTIVA



Daniel Codesido Sánchez
VOGAL

Luis Rodríguez Díaz
TESOUREIRO

Diego Medin Babio
SECRETARIO

José Alberto Ortega Correas
VICEPRESIDENTE

Ernesto Pérez Ramil
PRESIDENTE

13.2. Os cargos que compoñen a Xunta Directiva serán desempeñados de forma gratuíta, sen prexuízo do dereito a ser reembolsados dos gastos debidamente xustificados en que poidan incurrir por actuacións relacionadas coa asociación. As persoas elixidas para estes cargos deberán carecer de interese económico nos resultados da actividade levada a cabo pola asociación.

13.3. A Asemblea Xeral é a competente para elixir os cargos da Xunta Directiva, que serán propostos polo presidente. A súa duración será igual que o mandato do presidente, cesando co mesmo, aínda que todos poden ser obxecto de reelección indefinidamente.

13.4. Os cargos cesarán na súa función por:

- a) falecemento da persoa física ou extinción da persoa xurídica.
- b) renuncia voluntaria.
- c) transcurso do prazo para o que foron elixidos.
- d) destitución do cargo directivo por parte do presidente, que deberá ser ratificado pola Asemblea Xeral. A destitución será efectiva dende que sexa asinada polo presidente sen prexuízo de que a Asemblea Xeral anule a devandita decisión presidencial.
- e) acordo de censura de toda a Xunta Directiva adoptado por 2/3 dos asociados reunidos en Asemblea Xeral Extraordinaria convocada para tal efecto.

A renuncia de calquera dos cargos e mesmo o transcurso do prazo non dará lugar ao cese automático, senón que se deberá facer un efectivo traspaso de poderes con entrega de documentación e posta ao día do sucesor.

As vacantes que se puideran producir durante o mandato de calquera dos membros da Xunta Directiva, serán cubertas provisoriamente polas persoas que designe o presidente ata a confirmación pola Asemblea Xeral. En calquera caso, a Xunta Directiva debe estar integrada como mínimo por 3 persoas, que exercerán as funcións de presidente, secretario e tesoureiro.

Artigo 14º

A Xunta Directiva terá as seguintes atribucións:

- 1. Programar e dirixir as actividades asociativas.
- 2. Levar a xestión administrativa e económica da asociación.
- 3. Someter á aprobación da Asemblea Xeral o orzamento anual de ingresos e gastos, así como o estado de contas do ano anterior.
- 4. Convocar e fixar a data da Asemblea Xeral.
- 5. Propoñer á Asemblea Xeral a fixación de cotas ordinarias e extraordinarias para os asociados.
- 6. Designar as comisións de traballo ou seccións que se estimen oportunas para o bo funcionamento da asociación.
- 7. Regular as normas interiores de organización e exercer cantas funcións non estean expresamente asignadas á Asemblea Xeral.
- 8. Resolver sobre as solicitudes de ingreso de novos asociados.

Daniel Codesido Sánchez
VOGAL

Luis Rodríguez Díaz
TESOUREIRO

Diego Medin Babio
SECRETARIO

José Alberto Ortega Correas
VICEPRESIDENTE

Ernesto Pérez Ramil
PRESIDENTE

9. Propoñer o plan de actividades da asociación á Asemblea Xeral para a súa aprobación, impulsando e dirixindo as súas tarefas.
10. Resolver os procedementos disciplinarios que se instrúan.
11. Aquelas que non veñan atribuídas expresamente á outro órgano da asociación.

Artigo 15º

15.1. A Xunta Directiva será convocada polo presidente, a iniciativa propia ou a petición de calquera dos seus compoñentes.

15.2. Para que os acordos da Xunta Directiva sexan válidos, deberán ser adoptados pola maioría de votos dos asistentes, sendo necesaria a concurrencia, polo menos, da metade máis un dos seus membros e, en todo caso, do presidente ou vicepresidente e o secretario ou persoa que o substitúa.

15.3. O secretario ou, no seu defecto, o directivo que o substitúa, levantará acta das sesións, que se transcribirá ao libro de actas.

Artigo 16º

Os membros da Xunta Directiva presidirán as seccións e as comisións que a propia Xunta acorde constituír, co fin de delegar nelas a preparación de determinados actos ou actividades, ou de acadar delas as informacións necesarias. Formarán parte das ditas comisións o número de asociados que acorde a Xunta Directiva, o que deberá logo ser refrendado pola Asemblea Xeral.

Artigo 17º

A Asemblea Xeral é o órgano de expresión da vontade democrática dos membros da asociación e estará formada por tódolos integrantes da mesma, teñan ou non dereito a voto. O presidente e o secretario da asemblea serán o presidente e secretario da Xunta Directiva.

Artigo 18º

A Asemblea Xeral da **SOCIEDADE CULTURAL E DEPORTIVA PALAESTRA** reunirse con carácter ordinario como mínimo unha vez ao ano, e con carácter extraordinario cantas veces o acorde a Xunta Directiva, ou o soliciten o 10% dos socios. Neste último caso realizarase por medio de escrito dirixido ao presidente, autorizado coas firmas dos solicitantes, no que se expoña o motivo da convocatoria e a orde do día.

Artigo 19º

A Asemblea Xeral Ordinaria reunirse necesariamente no período que vai desde o mes de febreiro ata o de maio. Tanto a Asemblea Ordinaria como a Extraordinaria serán convocadas con 15 días de antelación por quen exerza a presidencia da Xunta Directiva.

Daniel Codesido Sánchez
VOGAL

Luis Rodríguez Díaz
TESOUREIRO

Diego-Medín Babío
SECRETARIO

José Alberto Ortega Correas
VICEPRESIDENTE

Ernesto Pérez Ramil
PRESIDENTE

A notificación farase pública nos órganos de difusión da **SOCIEDADE CULTURAL E DEPORTIVA PALAESTRA** e tamén mediante correo aos socios.

Artigo 20º

Serán competencias da Asemblea Xeral Ordinaria:

1. Aprobar o plan de actividades.
2. Examinar e aprobar as contas e balances do exercicio anterior.
3. Aprobar os presupostos de ingresos e gastos para cada exercicio.
4. Exame e aprobación das cotas.

Artigo 21º

Serán competencias da Asemblea Xeral Extraordinaria:

1. Modificar os estatutos da asociación.
2. Elixir e destituír aos membros integrantes da Xunta Directiva.
3. Aprobar federación con outras asociacións.
4. Autorizar o alleamento, gravame ou hipoteca de bens sociais.
5. Acordar a disolución da asociación.
6. Designar aos liquidadores.
7. Ratificar a expulsión de asociados a proposta da Xunta Directiva.
8. Solicitar a declaración de utilidade pública da asociación.
9. Aprobar o regulamento de réxime interno da asociación e das seccións.
10. As que sendo de competencia da asemblea ordinaria, por razóns de urxencia ou necesidade, non poidan esperar a súa convocatoria, sen prexuízo para a asociación.
11. Tódalas competencias non conferidas expresamente á Asemblea Xeral Ordinaria ou á Xunta Directiva.

Artigo 22º

A Asemblea Xeral de **SOCIEDADE CULTURAL E DEPORTIVA PALAESTRA** quedará validamente constituída sempre que concorran a metade máis un dos seus membros na primeira convocatoria ou transcorrida media hora en segunda convocatoria, con calquera número de asistentes pero, en todo caso, coa asistencia do presidente ou vicepresidente e o secretario ou persoa que o substitúa.

Artigo 23º

Os acordos adoptados deberán selo polo voto afirmativo da maioría simple dos asistentes ou representados, excepto os relativos aos apartados 1 ao 9 do artigo 21º, que requirirán maioría de dous terzos. A continuación levaranse os acordos ao libro de actas e asinará o presidente e o secretario da asemblea. A acta deberá ser lida na seguinte sesión celebrada pola Asemblea Xeral e aprobada por maioría dos presentes.

Daniel Codesido Sánchez
VOGAL

Luis Rodríguez Díaz
TESOUREIRO

Diego Medín Babío
SECRETARIO

José Alberto Ortega Correas
VICEPRESIDENTE

Ernesto Pérez Ramil
PRESIDENTE

Artigo 24º

Os acordos adoptados conforme os preceptos anteriores obrigarán a todos os asociados, mesmo aos non asistentes.

As sesións abriranse cando así o determine o presidente. Seguidamente se procederá por parte do secretario á lectura da acta da Asemblea anterior para a súa aprobación.

Posteriormente o secretario procederá a presentar a orde do día. Cada punto será informado polo membro da Xunta Directiva que lle corresponda, procedéndose ao debate e a aprobación dos correspondentes acordos nos termos contidos nestes estatutos, segundo a materia de que se trate.

Artigo 25º

Os acordos que vaian contra estes estatutos ou infrinxan os fins da asociación poderán ser recorridos en reposición diante da Asemblea Xeral. A partir da resolución do recurso de reposición, quedará expedita a vía para recorrer perante a xurisdicción ordinaria

Artigo 26º

26.1. O secretario recibirá e tramitará as solicitudes de ingreso, levará o ficheiro e o libro rexistro de asociados e terá ao seu cargo a dirección dos traballos administrativos da entidade. Correspóndelle así mesmo notificar as convocatorias e custodiar as actas e expedir certificacións desta co visto e praxe do presidente. O secretario tamén levará o inventario dos bens da asociación nun libro establecido para este efecto.

26.2. Nos casos de ausencia, vacante ou enfermidade do secretario, o presidente designará entre os directivos a un que desenvolva esta función.

Artigo 27º

27.1. O tesoureiro recadará e custodiará os fondos pertencentes á asociación, dará cumprimento ás ordes de pagamento que expida o presidente, levará a contabilidade da asociación, tomará razón xustificada da conta de ingresos e gastos asociativos, elaborará o borrador de orzamentos da asociación e as contas de resultados e balances.

27.2. O tesoureiro ten a obriga de proceder ao peche do exercicio orzamentario de xeito tal que permita que as contas estean a disposición dos membros da asociación nos quince días anteriores á celebración da Asemblea Ordinaria.

Daniel Codésido Sánchez
VOGAL

Luis Rodríguez Díaz
TESOUREIRO

Diego Medin Babío
SECRETARIO

José Alberto Ortega Correas
VICEPRESIDENTE

Ernesto Pérez Ramil
PRESIDENTE

Artigo 28º

Os vocais terán as seguintes atribucións:

1. Realizar programas e propostas na súa área de actuación.
2. Desempeñar os traballos que lle sexan encomendados pola Xunta Directiva.

**CAPÍTULO IV
RÉXIME ECONÓMICO**

Artigo 29º

A asociación foi fundada sen dispor de patrimonio propio. O peche do exercicio económico coincidirá co do ano natural.

Artigo 30º

A asociación funcionará en réxime de presuposto anual, con partidas diferenciadas de ingresos e gastos. O borrador de orzamento será elaborado polo tesoureiro da asociación, que deberá de telo preparado antes do un de xaneiro de cada ano, co fin de que poida ser aprobado na Asemblea Xeral Ordinaria.

Artigo 31º

A asociación manterase dos seguintes recursos:

1. As cotas periódicas dos asociados.
2. As cotas extraordinarias que propoña a Xunta Directiva e sexan aprobadas pola Asemblea.
3. As doazóns ou subvencións que poidan conceder órganos públicos, entidades privadas ou particulares.
4. Os ingresos que se poidan recibir polo desenvolvemento das actividades da asociación.
5. Calquera outro ingreso admitido pola normativa vixente para actividades non lucrativas.

Artigo 32º

A Asemblea Xeral Ordinaria, a proposta da Xunta Directiva, aprobará tanto as cotas ordinarias como as extraordinarias que non serán reintegrables en ningún caso. O recadado dedicarase a atender as necesidades da asociación.

Artigo 33º

Anualmente con referencia ao ultimo día do exercicio económico de cada ano, elaboraranse as contas, que se formalizarán nunha memoria, que será posta a disposición dos asociados, durante un prazo non inferior a 15 días ao sinalado para a celebración da Asemblea Xeral Ordinaria, que deberá aprobar ou censurar as mesmas.


Daniel Codesido Sánchez
VOGAL


Luis Rodríguez Díaz
TESOUREIRO


Diego Medin Babio
SECRETARIO


José Alberto Ortega Correas
VICEPRESIDENTE


Ernesto Pérez Ramil
PRESIDENTE

Artigo 34°

Para a disposición de fondos das contas que a asociación teña nas entidades bancarias será necesaria a sinatura conxunta do presidente e do tesoureiro.

Artigo 35°

Como entidade sen ánimo de lucro, en ningún caso poderán ser distribuídos entre os asociados os recursos obtidos pola asociación.

**CAPÍTULO V
DO REGULAMENTO DE RÉXIME
INTERNO**

Artigo 36°

O regulamento de réxime interno, no seu caso, desenvolverá aquelas materias non contempladas directamente nos presentes estatutos, como o procedemento de elección dos membros da Xunta Directiva e o procedemento disciplinario, non podendo ir en ningún caso en contra do estipulado neles. En todo caso, o funcionamento interno da asociación estará sometido ao ordenamento xurisdiccional civil.

**CAPÍTULO VI
MODIFICACIÓN DE ESTATUTOS E
DISOLUCIÓN DA ASOCIACIÓN**

Artigo 37°

Os presentes estatutos só poderán ser modificados por acordo da Asemblea Xeral Extraordinaria convocada para tal efecto, adoptado polas 2/3 partes dos asociados. A proposta de convocatoria deberá ir acompañada do texto das modificacións propostas.

Artigo 38°

A **SOCIEDADE CULTURAL E DEPORTIVA PALAESTRA** disolverase voluntariamente por acordo dos asociados adoptado polos asistentes á Asemblea Xeral Extraordinaria convocada para tal efecto.

Artigo 39°

Acordada a disolución a Asemblea Xeral extraordinaria designará tres asociados liquidadores que xunto o presidente e o tesoureiro, procederán a efectuar a liquidación dos bens pagando débedas, cobrando créditos e fixando o haber líquido resultante.



Artigo 40º

O haber resultante unha vez efectuada a liquidación, doarase a **Asociación de Entidades Culturais e Deportivas de Galicia, CIF G-15310188**. O xustificante da doazón será presentado no Rexistro de Asociacións correspondente para proceder á inscrición da disolución da asociación.

DILIXENCIA FINAL

D. **Diego Medín Babío**, na súa calidade de secretario da **SOCIEDADE CULTURAL E DEPORTIVA PALAESTRA** fai constar que estes estatutos modificados en Asemblea Xeral Extraordinaria celebrada o 31 de outubro de 2014, aprobáronse para cumprir cos requisitos establecidos na disposición transitoria primeira da Lei orgánica 1/2002, de 22 de marzo, reguladora do dereito de asociación.

A Coruña, 31 de outubro de 2014

SOCIEDADE CULTURAL E DEPORTIVA

PALAESTRA
AD DISCENDUM NOS DELECTAMUS

XUNTA DE GALICIA
CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Quedan VISADOS os presentes ESTATUTOS de ASOCIACIÓN (1).....

correspondendolle o número 18944 Sección 15
do REXISTRO CENTRAL desta Comunidade Autónoma.

Santiago de Compostela

- 9 D.L.C. 2014

O/A ENCARGADO/A DO REXISTRO



María Amadora Rodríguez Carreira

(1) **SOCIEDADE CULTURAL E DEPORTIVA PALAESTRA**

Daniel Codesido Sánchez
VOGAL

Luis Rodríguez Díaz
TESOUREIRO

Diego Medín Babío
SECRETARIO

José Alberto Ortega Correas
VICEPRESIDENTE

Ernesto Pérez Ramil
PRESIDENTE